

291

N O V E M B E R.

Hujus mensis variæ fuerunt vicissitudines, ita;
ut nebulæ, nives, pluviæ, venti se invicem ex-
ceperint. 1ma dies nebulosa; pluviosa; 2da cum
3tia, quæ coelum nubibus tectum habuit, insi-
mul ventosa; calidior. Verum 4ta, 5ta et 7ma
pluviosa; 6ta, coelo nubibus obducto; amoena,
calida. 8va præter pluvias et nives cum ventis
et frigore intensiori tulit. Pluviæ item 9na et
12ma cecidere; 10ma vero mane glaciem habens,
ceterum ventosa; frigida; 11ma nivibus, mox li-
quefactis, infesta fuit. Dein 13tiā calidiorem,
serenam secuta est tempèstas nebulosa; nubeculosa;
frigida ad 16tam usque et 17mam; mane pluvio-
sa. Dies 18va nubeculosa, frigida et 19na mane
glaciem induxit utraquæ; ast 19na serena amoena-
que cum 20ma et 21ma effluxit. A 22da usque
ad 29mam nebulæ, nubes, frigus; 28va serena;
29na et 30ma nebulis nubibusque coelum obdu-
centibus ingrata.

Rheumatismi, febres rheumaticæ, anginæ ca-
tarriales, pleuritides, diarrhoeæ per hunc mensim
regnavere; morbi regimine modice calido ac le-
niter excitante methodo facile profligati. Variolæ
passim et in urbe gravioris momenti visæ sunt, ut
plurimum nervosæ, immo confluentes. Maxima
in urbe nostra degentium pars coryza laboravit
atque catarro; Incepit morbus horripilatione ac